

يوهَنَّاے دومى كاگد

يوهَنَّاے دومى كاگدے پجار

يوهَنَّاے دومى كاگد گون كاگدے نبشته كنوك و هما مردمانى پجارا بندات
بيت كه آيانى ناما كاگد نبشته كنگ بوتگ. نبشته كنوك، اے كاگدا وتا ”گماش“
گوشيت. كماشے گال په كليسائے هاسين سړوك و استادان كارمرز بوتگ. اے
كاگد گون يوهَنَّاے اولى كاگدا سك همرنګ انت، پميشكا پاكين كتابے
گيشترين زانتكار گوشنت كه اے كاگد هم ايسائے كاسد يوهَنَّايا نبشته كرتگ.

اے كاگد ”دوستين بانك و آيئے چكاني“ ناما نبشته كنگ بوتگ. زانګ نبيت
كه ”بانك“ هك و دلايك جنينے يا باورمنداني رُمبے، چيا كه ”دوستينے“ گالے
مانا ”گچينى“ هم بوت كنت و مدام په كليسايا كارمرز بوتگ. كليسا جنين يا
بانك هم گوشگ بوتگ.

يوهَنَّاے دومى كاگدے اهمين گپے اش انت كه ايسا، مسيه انت و آيئے سرا
ايمان آروك يكدگرا الم دوست بدارنت. باورمند هبردار كنگ بوتگ انت كه ردين
سر و سوجانى رندگيريا مكنت. يوهَنَّا ديئمے مردمان هال دئيگ لوښيت كه من
اراده كرتگ كه شمئے نيما بيايان و شمارا راستين سر و سوج بكنان.

١ چه کليساۛ کماشۛ نيمگا،

په گچين کرتگين بانک و آيۛ چگان که په دل منا سک دوست انت. تهنا منا نه، هما سجهينان هم دوست انت که راستيا زانت. ٢ پميشکا مارا دوست انت که مۛ دلا راستيا جاگه کرتگ و تان ابد گون ما همراه انت. ٣ هدايۛ مهر و رهمت و سهل و آسودگي، چه پتين هدا و آيۛ چک ايسا مسيهۛ نيمگا، په راستي و مهر گون ما گون بيت.

راستي و مهر

٤ گل و شادان بوتان وهدۛ زانن تۛي لهتين چک، راستيۛ سرا زند گوازينيت، هما دولا که پتا مارا حکم کرتگ. ٥ نون، او بانک! من نوکين حکمۛ نبيسگا نه آن، اۛ هما حکم انت که چه بنگيجا مارا گون بوتگ، بله چه تئو دزبندي کنان، ماشما گون يکدوميا مهر بکين. ٦ مهر همش انت که آيۛ حکم و پرماناني سرا زند بگوازينين. آيۛ حکم همش انت که شما چه بنگيجا اشکتگ. همۛ مهرۛ حکمۛ سرا زند بگوازينيت.

٧ چيا که بازين رد ديوکۛ دنيايا پترتگ و تالان انت و اۛ هبرا نمئت که ايسا مسيه انساني جسم و جانيا اير اتگگ. اۛ پئمين مردم رد ديوک و مسيهۛ دژمن انت. ٨ هوښ و سار بيت که مۛ کارۛ بر و سمرا برباد و زنوال مکنيت، سرريچين مژۛ په وت بگيټ. ٩ هرگس که مسيهۛ تاليمۛ سرا مهر مه اوشتيت و وتسرا ديما تر برئوت، هدا آيۛيگ نه انت، بله هرگس که مسيهۛ تاليمۛ سرا مهر بوشتيت، هم پت آيۛيگ انت، هم چک. ١٠ اگن گسۛ شمۛ گورا بيټ و اۛ تاليمۛ مياريت، آيا وتي لوگا ميليت و وشاتکي مگوشيټ. ١١ پرچا که اۛ دلولين مردمۛ وشاتک کنگ، گون آيۛ ردین کاران شريکدار بيگ انت.

١٢) بازين چيزه هست كه په تئو بنبيسان، بله نلوټان گون كلم و كاگدا
بنت. اُميتوار آن كه شمئ كرا بيايان و ديم په ديم گپ و ثران بكنين تان
مئ شمئ شادمانى سرريچ بيت. ١٣) تئى گچينيپن گهارئ چك ترا بدئ
دروټ و درهبات گوشنت.